



SLUŽBENI GLASNIK OPĆINE KALESIJA

Godina: XLII

Petak, 21.09.2007. godine
K A L E S I J A

Broj: 7

OPĆINSKO VIJEĆE

63

Na osnovu člana 35. Zakona o principima lokalne samouprave u FBiH („Sl. novine FBiH“, broj 49/06), člana 19. stav 1. tačka 2. a u vezi sa članom 122. stav 1. Statuta općine Kalesija („Sl. glasnik općine Kalesija“, broj 7/03 i 12/05), Općinsko vijeće Kalesija na sjednici održanoj dana 20.09.2007. godine, d o n o s i

ODLUKU

o stambenom zbrinjavanju lica koja se nalaze u stanju socijalne potrebe

Član 1.

Ovom Odlukom uređuje se postupak dodjele na korištenje stambenih jedinica u vlasništvu općine Kalesija licima koja se nalaze u stanju socijalne potrebe, kriteriji po kojima će se dodjela stambenog prostora vršiti, kao i stambeni prostor koji će biti predmet raspodjele.

Član 2.

Status korisnika stambenog prostora stiču osobe koje se same ili sa članovima svoje porodice nalaze u stanju socijalne potrebe, ukoliko nemaju sredstava za izdržavanje, a kojima je usled neriješenog stambenog pitanja ili poremećenih porodičnih odnosa, potreban privremeni smještaj, a iste se kao takve nalaze na evidenciji Centra za socijalni rad Kalesija.

Status korisnika može steći samo osoba čije se stalno mjesto prebivališta nalazi na području općine Kalesija.

Član 3.

Postupak dodjele stambenog prostora na korištenje se pokreće po zahtjevu korisnika

ili po službenoj dužnosti nadležnog organa uprave općine ili na inicijativu Centra za socijalni rad Kalesija.

Član 4.

Postupak vodi i rješenje donosi Služba za opće poslove, boračko-invalidsku zaštitu i raseljena lica, koja je dužna, uz punu saradnju Centra za socijalni rad Kalesija i same stranke, utvrditi činjenice i ispitati okolnosti u smislu postojanja uslova za sticanje statusa korisnika stambenog prostora u skladu sa članom 2. stav 1. ove Odluke.

Član 5.

Služba za opće poslove, boračko-invalidsku zaštitu i raseljena lica općine Kalesija, će u skladu sa odredbama ove Odluke i zaključaka Općinskog vijeća Kalesija, na osnovu vlastite evidencije općine Kalesija, evidencije koja se vodi kod Centra za socijalni rad Kalesija i prispjelih zahtjeva sačiniti listu prioriteta korisnika.

Član 6.

Rješenje kojim se korisniku priznaje pravo na smještaj se izdaje na privremenoj osnovi i to na period od najduže jedne godine.

Rok iz prethodnog stava se može produžiti, ukoliko se status korisnika koji je imao prije donošenja rješenja o priznavanju prava, nije promijenio.

Član 7.

Za stambeno zbrinjavanje osoba koje će po odredbama ove Odluke steći status korisnika stambenog prostora, općina Kalesija stavlja na raspolaganje stan u zgradi “STARI MUP”, sprat I, površine 38,5m², u ulici Senada Požegića bb.

Član 8.

Ova Odluka stupa na snagu danom donošenja i ista će se objaviti u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Broj:01-05-2-3038
Datum, 21.09.2007.godine

Hata Mujčinović, dipl. ing. tehn.s.r.

OPĆINSKI NAČELNIK

64

Na osnovu člana 4. stav 2. Zakona o ministarskim, vladinim i drugim imenovanjima Federacije Bosne i Hercegovine («Sl. novine FBiH» br. 12/03), te člana 7. Zakona o javnim preduzećima («Sl. novine FBiH» br. 8/05), Općinski načelnik Kalesija, kao odgovorni javni službenik dana 29.08.2007. godine, d o n o s i

RJEŠENJE

o imenovanju privremenog člana Nadzornog odbora KP «Komunalac» DD Kalesija

I

Do provođenja postupka konačnog imenovanja upražnjenog mjesta člana Nadzornog odbora KP «Komunalac» DD Kalesija, a u cilju rješavanja prioriternih pitanja od značaja za funkcionisanje

Preduzeća, imenuje se privremeni član Nadzornog odbora Jasmin Valjevac diplomirani pravnik iz Hrasna Donjeg.

II

Mandat imenovanog traje do provođenja procedure konačnog imenovanja člana Nadzornog odbora, po Zakonom propisanoj proceduri, a najduže 60 dana od dana imenovanja.

III

Ovo Rješenje stupa na snagu danom donošenja i objavit će se u «Službenom glasniku općine Kalesija».

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj: 02-05-2-2510/07
Datum: 29.08.2007. godine

OPĆINSKI NAČELNIK

Rasim Omerović s.r.

S a d r Ź a j

| OPĆINSKO VIJEĆE | Strana | OPĆINSKI NAČELNIK | Strana |
|--|--------|---|--------|
| 63. Odluka o stambenom zbrinjavanju lica koja se nalaze u stanju socijalne potrebe | 57 | 64. Rješenje o imenovanju privremenog člana Nadzornog odbora KP «Komunalac» DD Kalesija | 58 |